



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlm XXV. Quamuis.

[urn:nbn:de:hbz:466:1-62587](#)

eandem infirment, & de Custodis elecione iterum cognoscant, alioquin verò priorum Iudicium sententiam confirmant.

SUMMARIUM.

1. Gestæ à judice notoriæ excommunicato irrita sunt.
2. Irrita est sententia lata à pluribus coiudicibus quorum iurisdictione priuatus est, vel saltem impeditam habet jurisdictionem.
3. Cassatâ confirmatione, non ideo invalida censenda electio; hac tamen invalida, etiam invalida est confirmatio.
4. Propter judicis excommunicationem, antecedentia iudicij acta irrita non sunt, nisi causa irritandi acta officiat, vel sententia lata fuerit die festo.

NO T. I. Gestæ à Iudice excommunicato irrita sunt, si excommunicatio eius publicè nota sit, ex quo per sensum contrarium valitura acta, si excommunicatio eius occulta sit. arg. l. Barbarus. 3. ff. de off. Pratorum, & habet idetiam locum in Iudice delegato, sicuti ex hoc cap. colligitur. & docui l. 1. tr. 4. c. 22. videri potest Felin. hic.

Not. II. Irrita est sententia lata à duabus vel tribus tanquam Coiudicibus, quorum unus iurisdictione priuatus est, aut eam impeditam habet, ut hīc & in c. Cūm super. 23. de off. delegati. Ratio est, quia omnes judicare iussi sunt. c. penult. junct. g. verb. delegatorum. eodem tit. de off. delegati. Aut saltem si clausula adiecta fuit, si non omnes &c. voluerunt omnes judicare, quod facere non potuerunt, sicuti explicauit in cit. c. Cūm super.

3 Not. III. Cassatâ confirmatione, non ideo etiam electio censeri debet irrita. c. Si confirmationem. 39. de electione in 6. Contra verò si electio irrita sit, non potest valere confirmatio, quia non confirmatur, quod non est, sicuti dixi cap. Cum inter. 13. b. tit.

Querunt, si sententia irrita sit. v. g. propter Judicis excommunicationem, num etiam antecedentia iudicij acta corruere debeant. Resp. Si causa irritandi acta non officiat, acta non debent censeri irrita. v. g.

si excommunicatio post acta ante latam sententiam contracta sit à Judice, vel si sententia lata fuerit die festo, prout notauit Bart. communiter receptus in l. Si expressim. n. 1. ff. de appellationibus. Abb. hic. n. 6.

CAPITVLVM XXV.

Quamuis.

PARAPHRASIS.

Ordinariè res inter alios judicata, aliis nocere non debet, licet excipi debet 1. Si Titius, cui principaliter actio, vel defensio competebat, passus est alium agere, tunc res judicata ipsi obest. 2. Si Titius passus est eum, à quo causam habet, in iudicio agere, sententia contra eum lata etiam Titio præiudicium generat.

SUMMARIUM.

1. Ampliatur Regula, quod res inter alios acta, aliis nocere non debet.
2. Limitatur aliquot limitationibus eadens Regula.
3. Addantur exceptiones Casuum, in quibus predicta Regula locum non habet.

Habemus ex hoc Capitulo unam Regulam, & duas exceptiones notandas, regula sumpta ex tit. Cod. quibus res judicata non nocet, & ampliari debet. 1. Quod res judicata alteri non nocet, tametsi alius causam eius egit, tanquam persona coniuncta, licet absque mandato, iuxta l. 1. C. eod. tit. vbi habetur, quod sententia lata contra personam coniunctam absque mandato agendi, aut defendendi causam tuam, tibi non nocet, nisi postea ratum habueris, quod actum fuit.

Ampliatur 2. Quod nec probationes in iudicio factæ contra unum, alteri, vel in ordine ad alteram personam præiudicare debent. c. Inter. 6. verb. nec attestations, de fide instrument. Similiter nec confessio in iudicio facta nocet confitenti erga aliam personam, quâcum actum non est. l. vlt. ff. de interrogatoriis actionibus, vbi habetur, quod

qqq 2 respon-

responsio facta in judicio non præjudicat Respondenti, nisi interrogantis respectu.

Ampliatur 3. Quod neque vice versa sententia pro uno lata, alteri, vel ipsi, pro quo lata est adversus alterum prosit, quocum in judicio actum non est. 1.2. C. quibus res judicata, vbi dicitur, res inter alios judicatae, neque emolumenatum afferre debent his, qui in judicio non interfuerunt.

Rationem horum reddere debemus, quia partes litigantes, quasi contrahunt inter se in ordine ad hunc iudicem; ergo sicuti contractus eos tantum obligat, qui in eum consenserunt, non alios, ita etiam ex illo quasi contractu litigantes tantum, non alij obligationem acquirere debent.

Limitari debet Regula 1. Tametsi alteri præter litigantes sententia aliaque judicij acta plenum præiudicium non afferant, tamen præsumptionem gignere possunt contra alterum. argum. 1. Si duo. 13. vbi id notat Bart. & gl. verb. habiturum ff. de jure iurand. Ex quo colligit Alexand. hic n. 3. Quod sententia lata contra unum. v. g. adulterum, vel simonia cum, nocet alteri conforti quoad inducendam infamiam facti, ita ut possit ei in dicti purgatio Canonica. c. Significasti. s. juncta gloss. verb. prefata. de adulterio.

Limitari debet 2. Si ijs, quorum interest, in judicium legitimè vocati non advenerint, præiudicatur ijs, sicuti tradit Alexand. hic. n. 60. & 63. vbi ait: bonam hanc esse cautelam ut actor faciat eos, quorum interest, citari specialiter, aut per edictum generale, ut sententia definitiva ijs ob sit, dummodo citatio ad ipsos pervenerit, aut per ipsos steterit, quominus perveniret.

Exceptio 1. in hoc consistit, si aliquis, ad quem principaliter actio, aut defensio causæ pertinet, alterum agere permisit, tunc sententia ei nocet 1. penult. ff. hoc tit. Ratio est quia is, ad quem principaliter causa pertinet, potest remouere litigantem à judicio, & se in locum eius substituere, consequenter si tacet, consentire videtur, juxta Reg. quod tacens consentire censetur, si ad ipsum, si consentire nolit, pertineat prohibere. Exemplum affertur in cit. 1. penult. si ti-

bi pro debito fundus oppignoratus sit, de cuius dominio tertius litigare velit, ad debitorem tuum 1. loco pertinet causam agere, aut defendere; quia eius principaliter interest, quandoquidem si fundus euictus sit, tibi vel soluere, vel aliud pignus contraria pignoratitiæ actione potest cogi. 1. tutor. 16. §. contrarium. ff. de pign. actione.

Quare si in tali cauſa debitor patiatur creditorem in judicio litigare, non præmissa protestatione, id ipsi nocebit. Neque obstat his, quod Bartolus obiicit, Creditorem posse agere hypothecaria actione aduersus tertium possessorem, etiam prohibente debitore, quandoquidem etiam contra ipsum debitorem agere potest. 1. Cum notissimi. 7. C. de præscriptione. 30. annorum. Respondetur enim, quod nihilominus debitor, quatenus in tali judicio de dominio rei disputatur, se ingerere possit, causam suam (quippe cuius principaliter interest, & qui de jure suo optimè omnium scire ac docere potest) defensurus, sicuti Butrius & Abbas hic docent. n. 9.

Exceptio 2. Talis est, si alterum, à quo causam habes, passus es in judicio agere, aut defendere, sententia contra eum lata, tibi nocet. cit. 1. penult. ff. de re iudicata. Exempla sunt, si vxor, vel fœcer in judicio agere vel causam defendere permittantur circa res dotales, sententia contra eos lata præiudicat marito, quia causam ab iis habet, similiter si Empor permittat venditorem causam agere, aut defendere, circa rem venditam, quippe à quo ipse Empor causam habet, seu ius accipere debuit, si quod illi competit, quandoquidem si vendor Dominus rei non fuit, neque emptor esse potest, eademque ratio est, si debitor contendat de dominio rei oppignorato & succumbat, nocebit id creditori, cum causam pignoris habeat à debitore.

Requiritur tamen ut is, qui ab altero causam habet, scierit causam agi, & passus sit, sicuti Bart. monet in cit. 1. Et videri potest Innoc. hic. colum. 2.

Simili ratione si agatur de inualiditate præsentationis, Electionis, vel collationis, & sen-

& sententia feratur contra praesentatorem, electorem, collatorem sciente & paciente praesentato, electo, aut prouiso, praejudicat ipsi, quippe qui causam & jus habet a praesentatore, electore, collatore. Sed alia ratio est quoad paenam, si videlicet ordinator vel collator persententiam punitus sit, quia Simoniacum, vel adulterum Clericum ordinabit, aut inuestierit, sententia non praecudit ordinato, aut prouiso, quoad plenum praecuditum, praterquam si crimen Simoniae interutrumque commissum declaratum sit notorium, tum propter connexio nem Iudex ex officio alterum quoque punire potest, teste *Alexand. h.c. n. 10.* & constat exc. *Ad nostram. 71. de jure iurando.*

His adde, quod etiam vice versa si controversia nota sit electo, aut prouiso, quod electionem, aut collationem legitimè non acceperit, videlicet non ab habente potestate, nocet id electori, aut collatori scienti & patienti causam agi, ut colligitur ex *est. h. penult. juncta gl. noua marg. vbi* dicitur: si contra libertum seu a me manumissem sententia de statu feratur, quod videlicet alterius seruus sit, id obesse mihi scienti & patienti causam hanc agi, & ita docent Canonicisti h.c & gl. in c. 3. dist. 81. praejudicat ordinatori sententia lata contra ordinatum, quando præsens est & scit causam agi: cum enim quasi sua causa agi videatur (eius enim principaliter interest) & tacet, nec defendit causam, sibi praejudicat, juxta primam traditam regulæ exceptionem.

Veruntamen haec ipsa doctrina limitanda est, ut intelligatur, quatenus causam & jus accepit prouisus a collatore, ut si circa illud ipsum, quatenus ab eo proficiisci potuit judicetur pro aut contra prouisum, id etiam prospicit, aut oblitus collatori, sicut colligitur ex *c. Cum olim. 7. de causa possessionis.* Et notat hic *Alex. n. 12.* nam prouisus ideo jus suum consequitur, quia collator fuit in possessione juris conferendi, tametsi fortasse jus istud secundum proprietatem non habuerit, consequenter si pro, aut contra prouisum sententia lata sit, prodesse, aut obesse debet collatori in possessorio, saluâ interim quæ-

stione proprietatis, sicuti constat ex cit. c. *Cum olim. & monet Abbas. h.c. n. 23.* Quamvis secundum hanc eius cap. explicationem quæ valde conformis est, non appetet ratio, cur Pontifex hic alleget axioma, res inter alios acta &c.

Aliæ exceptiones à Regula, seu casus, in quibus res judicata alteri absenti & non contendenti prodest, aut obesse, videri possunt in *gloss. h.c. verb. res inter alios;* & apud *Abbas. & Alexand. hoc loco.*

CAPITVLVM. XXVI.

Duobus.

P A R A P H R A S I S.

Si duo Iudices diuersas sententias profruant, distinguendum, num sint ordinarii, delegati, an arbitrii; si ordinarii sint, valer sententia prolata pro reo, non pro aetore, exceptis causis favorabilibus, matrimonii, libertatis, dotis, testamenti. Si delegati judges, sententia pendet ex arbitrio delegantis. Si denique tanquam arbitrii, seu ex compromisso, neutra sententia vigorem habet.

S V M M A R I V M.

1. Si duo judges Ordinarij, pari potestate in solidum prediti, sententiam dicant diuersum, præualet illa, quæ lata est pro Reo.
2. Ampliatur hec doctrina ad plures eiusmodi judges, v. g. si quatuor vel sex illorum aequali numero in sententia discordent.
3. Ampliatur etiam ad probationes, ut si haec plures sint ex utraque parte, pro Reo sententia sit ferenda absolvatoria.
4. Excipitur tamen ab hac generali doctrina: nisi causa favorabilis sit, v. g. dotis, de testamento & matrimonij valore, vel quacunque alia.
5. Et quidem in causa valoris matrimonii indubitate hoc verum est, si impedimentum prætensum ex jure postino existat, non item tamen, si ex jure naturali, aut diuino juxta Abbatem & Felinum.
6. Oppositum sentit author.